



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 13. Joannis VI. obitus. Joannes VII. & Sisinnius Papæ.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

Sæcul. VIII. Abdelmelico regnante Jacobitæ, Simone defuncto, quemdam nomine Alexandrum Patriarcham Alexandrinum creant, anno Diocletiani 420. Jesu Christi 724. qui Sedem supra annos viginti tempore magnæ persecutionis tenuit; nam bis Tributum trium *Dinars* (ita nempe Arabes Solidum aureum Romanorum appellabant) dare coactus est. Califa Ovalidus Ægypti Præfecturam dederat Abdelazizio fratri suo, qui jussit, ut omnes Monachi describerentur, & in singula capita Solidum penderent. Hæc prima exactio fuit, cui Monachi se subicere compulsi sunt. Ovalidus Damasci Regni sui Sede Delubrum Mahometanum magnificenti operis ædificaturus, ut amplior locus esset, magnam Christianorum Ecclesiam S. Joanni Sacram destruxit. Fertur Christianis quadraginta Solidorum millia pro ea obtulisse, ipsisque recusantibus, occupatam nullo dato pretio dejecisse.

C. 705.
Ide 12 p. 68.
Chr. Orient.
 p. 104.
Sup. lib. 40.
 §. 54.
Elmac. c. 15.
 p. 71.
Theoph. p.
 314.

§. XIII.

Joannis VI. obitus. Joannes VII. & Sisinnius Papæ.

Anast. V. Papebr. con. Justinianus Imperator Regno recuperato nihil antiquius habuit, quam Concilium in Trullo Romam mittere a Joanne Papa septimo, qui tunc S. Sedem tenebat, confirmandum. Nam Joanne VII.

sub initium hujus anni 705. defuncto, Sæcul. VIII.
A. C. 705.
cum Sacra Sedes uno mense & diebus

octodecim vacasset, ordinatus fuerat Jo-
annes VII. Natione Græcus, (*) Plato-
nis filius, pro temporum illorum ratione
doctus & facundus, qui S. Sedem tenuit
annis duobus, mensibus septem, & die-
bus septendecim, Tiberio & Justiniano
Imperatoribus. Idem Justinianus Impera-
tor duos Metropolitans cum duobus To-
mis Coneilii in Trullo & Epistola ad Jo-
annem Papam misit, obtestans, ut con-

O o 4 vocato

(*) Cardinalis Baronius opportune Adnota-
tionem apponit in hunc modum: *Alia via stu-
duerunt (Græci) eidem Romanæ Ecclesiæ do-
minari: agentes nimirum, ut in Collegium S.
Rom. Eccles. Cardinalium adlegerentur Orien-
tales, qui etiam opera Exarchorum adnitente,
crearentur Romani Pontifices. Hinc videas post
Benedictum Pontificem Joannem V., Syrum na-
tione, creatum Successorem, deinde Cononem
Thracem, postea Sergium Syrum, Joannem
deinde Græcum pariter ordine Sextum dictum,
inde hunc Joannem VII. itidem Græcum, post-
ea Sisinnium Syrum, & post eum Constantinum
pariter Syrum, itidemque Gregorium III. Sy-
rum etiam, nec non post eum Zachariam Græ-
cum: ut appareat inter hos annos vix unum
Gregorium II. intercalatum Romanum natione
Pontificem. Nihilominus hi Pontifices adversus
omnes conatus Orientalium strenue steterunt.*

Sæcul. VIII.

A. C. 705.

vocato Concilio, quæcunque ei viderentur, stabiliret, & reliqua rejiceret. Sed Joannes Papa humana fragilitate timidus, & veritus, ne iratum sibi Imperatorem haberet, Tomos non emendatos remisit. (*)

Paul. Diac.

VI. hist. c.

28.

Joanne VII. sedente Aripertus Rex Longobardorum S. Petri Ecclesiæ Patrimonium Alpium Cottiarum, (hodie Genèbra & Cenisus montes) jam diu ab illa natione ademptum restituit, atque Donationis Acta litteris aureis exaravit. Idem Papa multas reparavit Ecclesias, & inter alias Ecclesiam S. Virginis, quæ antiqua dicebatur, & ubi sedem suam, quoad vixit, elegit. Diversas quoque Ecclesias imaginibus, & una iconæ, in qua ipse Pontifex repræsentabatur, decoravit. Calicem aureum librarum virginis

(*) Hic iterum apposite Baronius: *Vermis etsi justa hæc esse petitio videretur, tamen quæ non deceret Majestatem Apostolicæ Sedis quid minimum comprobare, quod non in legitima Synodo sancitum esset, eos Joannes nec ex parte voluit comprobasse. Cæterum, quod ab eo fieri expectabatur, neque voluit eodem modo ne commoveret animum Imperatoris. Et infra Etenim si recepti fuissent (Concillii in Trullo Canones) haud opus fuisset Justiniano Imperatori vocare ob eam causam Constantinopolis (ut dicemus) Constantinum Pontificem.*

ginti, seu triginta marcarum, fabricari
 iussit. Ordinavit per diversa loca Epis-
 copos octodecim, sepultusque est in
 Oratorio S. Virginis, quod extruxerat,
 & picturis Musivi operis multa impensa
 pecunia ornaverat. Tumulo illatus est
 decimo quinto Cal. Nov. Indictione sexta,
 Justiniano Principe, id est, decimo octavo
 Octobr. anno 707. vacavitque Sacra Se-
 des mensibus tribus. Quo intervallo
 elapso ordinatus est Sisinnius natione
 Syrus. Is, licet esset podagra usque
 adeo debilitatus, ut ne quidem manum
 ori admoveere posset, constante tamen
 erat animo, & tam tenero in populum
 suum amore, ut muros Urbis Romanæ
 restaurare aggrediretur. Verum Sa-
 cram Sedem non ultra dies viginti tenuit,
 subita morte defunctus. Episcopum
 unum pro Insula Creta ordinaverat. Se-
 pultus est ad S. Petrum septimo Febr. In-
 dictione sexta, regnante Justiniano, id
 est, anno Salutis 708. vacavitque Sacra
 Sedes mense uno & diebus novende-
 cim.

§. XIV.

S. Bonetus Claromontanus.

Sub idem ferme tempus S. Bonetus Epis-
 copus Claromontanus Romam venit.
 Is Claromontii Arvernæ Metropoli e ge-
 nere Senatorio in lucem editus, cum au-

O o 5 lana

Sacul. VIII.

A. C. 707.